

MEMBELA

WEALTH DISTRIBUTION

YAYASAN
JCorp

Kj 9d868: 7"Ha'9

Belia Johor Cemerlang di Pertandingan 'Choral Speaking' Yayasan JCorp 2024

Dalam usaha memperkasakan belia ke arah pembangunan lestari, Yayasan JCorp menganjurkan Pertandingan *Choral Speaking* (Bicara Berirama) dengan kerjasama Jabatan Pendidikan Negeri Johor. Pertandingan ini memberi peluang kepada pelajar yang terlibat untuk mempamerkan kemahiran pengucapan dan persembahan mereka. Seramai 4,780 pelajar daripada 239 sekolah di 11 daerah di Johor menyertai program yang bertemakan "Youth Empowerment for Sustainable Development" di KOMTAR JBCC pada 6 Ogos 2024.

Pertandingan ini selari dengan Matlamat Pembangunan Lestari (SDGs) dengan melibatkan belia dalam usaha menangi cabaran alam sekitar, sosial dan ekonomi. Melalui intonasi, artikulasi dan ekspresi vokal, para pelajar mempamerkan kemahiran mereka berbahasa Inggeris di samping meningkatkan kesedaran mereka mengenai isu-isu global.



Pemenang pada tahun ini menerima hadiah wang tunai berserta piala, dengan RM5,000 dianugerahkan kepada juara, RM4,000 kepada naib juara, dan RM3,000 kepada pemenang tempat ketiga. Selain itu, anugerah "Fan Favourite" turut dipertandingkan dengan dimenangi oleh:

- **Sekolah Rendah**
SK Convent, Muar

♥ 1.5k 45.1K 52.2k

- **Sekolah Menengah**
SMK Bukit Pasir, Muar

♥ 1.1k 10.1k 20.2k



- **Sekolah Rendah**
SK (P) Sultan Ibrahim, Johor Bahru

- **Sekolah Menengah**
SM Sains Muar, Tangkak



- **Sekolah Rendah**
SK Yong Peng, Batu Pahat

- **Sekolah Menengah**
SM Sains Muar, Tangkak



Misi Kami

- Membentuk pemimpin masa hadapan dengan meningkatkan kemahiran komunikasi lisan dan kreativiti pelajar.
- Meningkatkan keyakinan dalam pengucapan awam melalui pembelajaran Bahasa Inggeris yang dinamik.
- Menggalakkan golongan belia untuk terlibat dengan cabaran kritikal dalam isu-isu alam sekitar, sosial, dan ekonomi.
- Mendorong penglibatan belia dalam inisiatif pembangunan lestari.



Anugerah "Best Conductor" bagi kategori sekolah rendah dimenangi oleh SK (P) Sultan Ibrahim, Johor Bahru



Pencapaian Program

- Program ini mendapat jumlah tontonan lebih 12,000 di Facebook Yayasan JCorp. Juara kategori sekolah rendah dan sekolah menengah, iaitu SK Yong Peng, Batu Pahat, dan SM Sains Muar, Tangkak, mewakili Johor pada peringkat kebangsaan dan meraih tempat kedua bagi kategori sekolah rendah, sekali gus mengukuhkan reputasi Johor dalam kecemerlangan pendidikan.



SK Yong Peng, Batu Pahat mengungguli kategori sekolah rendah



SILA IMBAS KOD QR
UNTUK MENYAKSIKAN
PERTANDINGAN CHORAL
SPEAKING.



ISI KANDUNGAN

Komponen 2

Program & Aktiviti

Pendidikan 3

Seni, Budaya & Warisan 5

Alam Sekitar 6

Kesejahteraan Komuniti 8

Aktiviti Kumpulan JCorp 9

Kalendar Acara

Kalendar Aktiviti 10



1 Pendidikan



2 Seni, Budaya & Warisan



3 Alam Sekitar



4 Kesejahteraan Komuniti





Membangun Generasi Masa Hadapan: Karnival Bahasa Inggeris Peringkat Negeri Johor

Bagi meningkatkan kecemerlangan pendidikan di seluruh negeri Johor, Yayasan JCorp dengan kerjasama Jabatan Pendidikan Negeri Johor (JPNJ) menganjurkan Karnival Bahasa Inggeris Peringkat Negeri Johor pada 23 dan 24 Julai 2024. Terdapat enam acara yang dipertandingkan pada karnival yang diadakan di KOMTAR JBCC, Johor Bahru.

- Scrabble**
- Dare to Spell**
- Deklamasi Sajak**
- Pengucapan Awam**
- Penceritaan**
- Dokumentari Pendek**

Acara ini menarik lebih daripada 40,000 pengunjung, memberikan pelajar platform untuk mempamerkan kreativiti dan bakat mereka sekali gus meningkatkan keyakinan dalam pengucapan awam dan penggunaan Bahasa Inggeris. Para peserta bersaing dalam kategori sekolah rendah dan menengah, menjadikannya karnival yang lebih meriah.



**SAKSIKAN SOROTAN KARNIVAL
BAHASA INGGERIS PERINGKAT
NEGERI JOHOR 2024**

Misi Kami

- Meningkatkan kemahiran bahasa Inggeris pelajar melalui aktiviti yang **menarik dan berdaya saing**.
- Membina keyakinan pelajar dalam **pengucapan awam dan ekspresi diri**.
- Memupuk **kreativiti dan pemikiran kritis** melalui pertandingan berasaskan bahasa.
- Menyediakan **platform yang dinamik** kepada pelajar khususnya di Johor untuk mempamerkan bakat dalam bidang linguistik dan kreativiti mereka.



Pencapaian Program

Seramai **266 pelajar** dari 11 daerah di Johor menyertai enam acara yang dipertandingkan.



Karnival ini menarik lebih **40,000 pengunjung**.

Pertandingan ini telah memupuk **penguasaan bahasa Inggeris**, keyakinan dan kreativiti dalam kalangan peserta.



SEKOLAH RENDAH

- **Penceritaan Tahap 1:**
SK Bandar Putra, Kulai
- **Penceritaan Tahap 2:**
SK Taman Indahpura 2, Kulai
- **Scrabble Tahap Rendah:**
SK Sri Skudai, Johor Bahru
- **Pengucapan Awam Tahap Rendah:**
SJK (C) Seg Hwa, Segamat
- **Dokumentari Pendek Tahap Rendah:**
SK Mohd Khir Johari, Johor Bahru
- **Dare To Spell Tahap Rendah:**
Champion: SK Taman Muhibbah, Kulai
- **Tahap Rendah: Deklamasi Sajak:**
SK (FELDA) Tenggaroh 6, Mersing

SEKOLAH MENENGAH

- **Scrabble Tahap Menengah:**
SMK Ledang, Tangkak
- **Pengucapan Awam Tahap Menengah:**
SMK Seg Hwa, Segamat
- **Dokumentari Pendek Tahap Menengah:**
SMK Taman Seri Kluang, Kluang
- **Dare To Spell Tahap Menengah:**
SMK Dato' Ali Haji Ahmad, Pontian
- **Deklamasi Sajak:**
SMK Bandar Putra 2, Kulai

ANUGERAH "FAN FAVOURITE"

- **Penceritaan Tahap 1:**
SJK (C) Pandan, Pasir Gudang
- **Penceritaan Tahap 2:**
SJK (C) Bin Chong, Pontian
- **Pengucapan Awam:**
SJK (T) Jalan Haji Manan, Kluang
- **Pengucapan Awam:**
SMK Dato' Hj Ali Ahmad, Pontian
- **Deklamasi Sajak:**
SJK (C) Pei Yang, Muar
- **Deklamasi Sajak:**
SMK Canossian Convent, Segamat
- **Dokumentari Pendek:**
SJK (C) Chung Hwa Presbyterian, Muar
- **Dokumentari Pendek:**
SMK Seri Alam 2, Pasir Gudang



Memperkasa Pendidikan: Bengkel STEM dan Pertanian Lestari

Seramai 40 guru di Johor menyertai Bengkel STEM (Fasa 1) di Institut Pendidikan Nasional (NIE), Singapura bagi memajukan pendidikan STEM (Sains, Teknologi, Kejuruteraan dan Matematik). Bengkel anjuran Yayasan JCorp dengan kerjasama Temasek Foundation dan agensi berkaitan berlangsung pada 15 Julai hingga 18 Julai 2024, menjadi wadah untuk mengetengahkan integrasi pertanian lestari dalam kurikulum sekolah.

Peserta didedahkan kepada teknik pertanian moden dan sistem IoT yang memberikan kemahiran yang diperlukan untuk projek pertanian bandar di sekolah.

Sebanyak lima sekolah, iaitu SMK Bandar Baru Uda, SMK Telok Kerang, SMK Bandar Penawar, SMK Buluh Kasap, dan SMK Seri Medan telah dipilih bagi inisiatif ini. Projek ini melibatkan pembinaan rumah hijau pintar yang akan memainkan peranan penting untuk mendidik pelajar mengenai teknik pertanian moden dan kelestarian.



Misi Kami

- Menyediakan guru yang mahir dalam penggunaan teknologi dan **strategi terkini pendidikan STEM**.
- Mempromosikan **amalan pertanian lestari** dalam kurikulum sekolah.
- Melahirkan rangkaian **pendidik yang mahir untuk mengajar teknik pertanian moden**.
- Memberi inspirasi kepada pelajar untuk melibatkan diri dalam subjek STEM melalui pengalaman praktikal berkaitan dengan kelestarian.



Seramai 40 peserta merakam kenangan di NIE



Sesi lawatan ke Ladang Nature's International Commodity (NIC), Singapura



Aktiviti membuat prototaip pertanian pintar



Peserta diberikan penerangan tentang teknik penanaman yang betul



Pencapaian Program

- Seramai **40 guru** daripada lima buah sekolah di Johor menyertai Bengkel STEM.
- Sebanyak 2,000 sayuran berdaun dapat ditanam di **rumah hijau pintar** yang dilengkapi dengan sistem IoT.
- Meningkatkan kerjasama antara Johor dengan Singapura dalam memajukan pendidikan STEM.



SILA IMBAS KOD QR UNTUK
MELIHAT MAKLUM BALAS
PESERTA BENGKEL STEM



Kemeriahan Pameran 'Wonderful Johor Arts and Cultural': YSF 2024

Pada 19 Ogos 2024, kehebatan seni dan warisan Johor ditonjolkan di Pameran *Wonderful Johor Arts and Cultural* bersempena dengan "Youth Sustainability" Forum (YSF) di KOMTAR JBCC. Pameran anjuran Yayasan JCorp dengan kerjasama Jabatan Kebudayaan dan Kesenian Negara (JKKN) ini menampilkan persembahan tradisional, pameran kraftangan interaktif, demonstrasi masakan secara langsung dan permainan tradisional. Acara ini berjaya menarik lebih 1,000 pengunjung, termasuk delegasi YSF, komuniti setempat, pelancong, serta tetamu kehormat seperti YB Tuan Ling Tian Soon, Pengerusi Jawatankuasa Kesihatan dan Alam Sekitar Negeri Johor dan Puan Zaidatul Zurita Abdul Rahman, Ketua Pegawai Eksekutif Yayasan JCorp. Peserta yang hadir juga berpeluang menikmati kepelbagaian budaya Johor dan ekspresi seni yang unik.

Artis tempatan mempamerkan dan menjual kraftangan sekali gus memberi peluang kepada mereka menjana pendapatan. Platform ini amat penting bagi mempromosikan tradisi seni Johor di samping menyokong kelangsungan hidup artis tempatan.



Misi Kami

- Memartabat seni Johor dengan menyediakan platform untuk artis dan artisan tempatan.
- Memperkasa ekonomi tempatan dengan memberi peluang kepada artis dan artisan tempatan menjana pendapatan.
- Menarik pengunjung termasuk penduduk tempatan dan pelancong untuk menerokai kepelbagaian warisan budaya Johor.
- Memelihara dan mempamerkan kraftangan tradisional, persembahan seni serta seni kuliner serantau.



Persembahan tarian naga daripada Lion Dance Association Johor Bahru



Tarian klasik India daripada India Cultural Association



Pencapaian Program

- Seramai **62 artis** tempatan dan **26 artisan** menyertai program.
- Sebanyak **RM29,000** pendapatan dijana oleh artis dan artisan yang terlibat.
- Seramai **1,000 pengunjung** hadir sekali gus menyumbang kepada kemeriahan budaya dan pertumbuhan ekonomi.



Peserta YSF2024 turut serta dalam acara joget lambak pada program tersebut



Sejuta Pokok demi Masa Depan: Inisiatif Penanaman Bakau

Yayasan JCorp terus mengukuhkan komitmen untuk melindungi biodiversiti dan ekosistem melalui anjuran program tanam pokok di Pulau Tanjung Surat, Kota Tinggi dengan kerjasama Johor Plantations Group (JPG) dan Pertubuhan Sahabat Hutan Bakau Pulau Tanjung Surat (PSHBTS). Acara yang dilaksanakan pada 7 Ogos 2024 merupakan sebahagian daripada kempen alam sekitar jangka panjang JPG, iaitu *One Million Roots for the Future* yang bermatlamat untuk menanam sejuta pokok bakau menjelang tahun 2033. Semasa acara yang diadakan buat tahun yang kedua ini, seramai 55 sukarelawan bersama-sama menanam 1,000 pokok bakau yang menyumbang kepada usaha pemeliharaan dan pemulihan ekosistem pantai.

Bersempena dengan inisiatif tersebut, Yayasan JCorp turut menyumbang sebanyak RM3,000 kepada Persatuan Ibu Bapa dan Guru (PIBG) SK Tanjung Surat bagi menyokong para pelajar sekolah serta memperkukuh sumber pendidikan mereka.



Misi Kami

- Memulihara dan memelihara ekosistem pesisir melalui **penanaman bakau secara besar-besaran**.
- Menyumbang kepada pemuliharaan **biodiversiti dan penyerapan karbon**.
- Melibatkan komuniti tempatan dan pihak berkepentingan dalam **usaha perlindungan alam sekitar**.
- Menyokong institusi pendidikan untuk mempromosikan kesedaran alam sekitar dalam kalangan pelajar.



Sebanyak 1,000 pokok bakau berjaya ditanam sepanjang program ini

Pencapaian Program

- Sebanyak **1,000 pokok bakau** berjaya ditanam.
- Disertai seramai **55 sukarelawan** daripada Yayasan JCorp dan JPG.
- Sebanyak **RM3,000** telah disumbangkan kepada SK Tanjung Surat bagi menyokong pendidikan pelajar.



Yayasan JCorp telah menyumbang sebanyak RM3,000 kepada SK Tanjung Surat

"Ia selari dengan matlamat ESG kami untuk mencipta kehidupan yang lebih baik dengan memupuk persekitaran yang lebih bersih dan sihat untuk komuniti setempat. Kami merakamkan setinggi-tinggi penghargaan kepada JPG atas kerjasama mereka bagi memastikan kejayaan program ini," - Puan Zaidatul Zurita Abdul Rahman, Ketua Pegawai Eksekutif Yayasan JCorp.

"Pada tahun 2023 hingga 2033, sasaran kami adalah untuk menanam pokok yang melibatkan anggota pekerja JPG dan melalui kerjasama dengan pihak berkepentingan bagi menyumbang kepada penyerapan karbon dioksida daripada atmosfera serta membantu mengurangkan perubahan iklim." - Encik Mohd Faris Adli Shukery, Pengerah Urusan Johor Plantations Group Berhad.





Hari Sungai Sedunia 2024: Pembersihan Sungai Tebrau dan Program KUDAH

Yayasan JCorp menyedari akan kepentingan kerjasama semua pihak untuk menjaga kebersihan dan kelestarian saluran air di Johor. Pada 21 September 2024, Yayasan JCorp menjalin kerjasama dengan Pusat Pelestarian Kampus UTM (UTMCS) dalam majlis sambutan Hari Sungai Sedunia 2024 di Sungai Tebrau. Antara program yang dijayakan demi penjagaan saluran air ialah Kutip Sampah Sambil Riadah (KUDAH) yang melibatkan 300 sukarelawan dan berjaya mengumpul sebanyak 857.1 kg sisa buangan di sepanjang tebing sungai.

Bersempena dengan sambutan Hari Sungai Sedunia ini juga Yayasan JCorp dan UTMCS telah menganjurkan program *Train of Trainers* (TOT) pada 25 September 2024 di Tunku Mahkota Ismail Youth Centre (TMIYC), Johor Bahru. Program ini bertujuan untuk memperkasakan 120 pelajar daripada enam buah sekolah dengan setiap peserta diberikan pendedahan mengenai teknik pemuliharaan sungai moden dan amalan lestari dengan memanfaatkan teknologi digital seperti aplikasi iNaturalist sekali gus meningkatkan kesedaran tentang alam sekitar dan melahirkan generasi pemimpin ekologi masa hadapan.

Misi kami

- Meningkatkan kesedaran tentang **pemuliharaan sungai dan kelestarian alam sekitar**.
- Mengatasi masalah pencemaran dan **memulihkan ekosistem sungai melalui inisiatif pembersihan** oleh komuniti.
- Mendidik pemimpin masa hadapan mengenai pemuliharaan sungai dan amalan lestari melalui latihan praktikal.
- **Memupuk amalan penjagaan alam sekitar** jangka panjang dalam kalangan pelajar dan komuniti.



Sebanyak 857.1 kg sisa buangan kerjaya dikumpul di sepanjang Sungai Tebrau



Sahabat Yayasan JCorp merupakan antara sukarelawan yang menyertai program KUDAH



Program KUDAH mendapat sokongan daripada pelbagai agensi, termasuk Kumpulan JCorp

Pencapaian Program



Sebanyak **857.1 kg** sisa berjaya dikumpulkan di sepanjang tebing Sungai Tebrau.



Seramai **300 sukarelawan** daripada agensi kerajaan, syarikat swasta, dan sekolah telah menyertai program ini.



Seramai **120 pelajar** telah menerima latihan mengenai pemuliharaan sungai dan amalan kelestarian semasa **program TOT**.



Keretapi Sarong Johor 2024 x HAB HAB Hooray: Memeriahkan Sambutan Hari Malaysia

Pada 14 September 2024, Yayasan JCorp telah menaja program Keretapi Sarong Johor 2024 x HAB HAB Hooray anjuran Iskandar Malaysia melalui Iskandar Youth Hub bersempena dengan Sambutan Hari Malaysia. Seramai 5,000 peserta menaiki keretapi merentasi Johor Bahru dengan mengenakan busana tradisional sekali gus mempamerkan kepelbagaian budaya Malaysia dan memupuk rasa bangga terhadap negara.

Menyedari kepentingan kesihatan mental, pada program tersebut juga Yayasan JCorp dengan kerjasama Hospital Pakar KPJ Pasir Gudang telah menganjurkan sesi santai yang membicarakan kesihatan mental, dikendalikan oleh Dr. Intherjit Kaur. Sesi ini menekankan pentingnya mengutamakan kesejahteraan mental. Selain itu, KPJ Pasir Gudang turut mengadakan pemeriksaan kesihatan percuma dengan seramai 112 pengunjug telah mengambil peluang tersebut sebagai tanda penghargaan kepada diri sendiri.

Johor Skill Development Centre (JSDC) turut serta menyertai pameran yang memberi fokus kepada pelajar lepasan sekolah menengah dan graduan. Inisiatif ini bertujuan untuk menonjolkan kepentingan pendidikan berasaskan kemahiran bagi membina kerjaya masa hadapan, sambil memperkukuh potensi belia dengan ilmu dan peluang yang diperlukan untuk bersaing dalam pasaran pekerjaan yang kompetitif.



Misi Kami

- **Memupuk perpaduan dan meraikan warisan budaya Malaysia** melalui acara komuniti yang inklusif.
- **Menguatkan hubungan sosial** dan rasa saling menghormati dalam kalangan komuniti.
- Memberi peluang kepada golongan belia untuk melibatkan diri dalam aktiviti berkaitan **budaya, kesihatan dan pendidikan**.
- Menyokong kesejahteraan komuniti dengan memberi kesedaran mengenai **kesihatan fizikal dan mental**.



Keretapi Sarong disertai oleh individu daripada pelbagai peringkat usia



Pencapaian Program



Disertai seramai
5,000 peserta.



Sebanyak
RM89,000
pendapatan dijana oleh
vendor dan artisan.



Sebanyak **6** aktiviti
telah dianjurkan melibatkan
penyertaan peserta dalam
inisiatif berkaitan budaya dan
kesihatan.



Seramai 5,000 peserta menyertai program Keretapi Sarong





Program Penanaman Pokok Hospital Pakar KPJ Seremban – Hutan Simpan Serting

Hospital Pakar KPJ Seremban dengan kerjasama Jabatan Perhutanan Negeri Sembilan telah menganjurkan program penanaman pokok di Hutan Simpan Serting, Jempol pada 21 September 2024. Inisiatif Hospital Pakar KPJ Seremban yang juga anak syarikat KPJ Healthcare Berhad bagi mempergiat pelaksanaan Kempen Penanaman 100 Juta Pokok Malaysia di bawah Rancangan Malaysia Ke-12 (RMKe-12). Inisiatif ini melibatkan penanaman 602 anak pokok Meranti dan Merawan untuk memulihara biodiversiti dan memulihkan ekosistem.

Seramai 120 peserta termasuk anggota pekerja hospital dan wakil daripada Jabatan Perhutanan Negeri Sembilan mengambil bahagian dalam program tersebut.

Majlis perasmian telah disempurnakan oleh YB Hajah Tengku Zamrah binti Tengku Sulaiman, Pengerusi Jawatankuasa Bertindak Kesihatan, Perpaduan, Penerangan, Integrasi Nasional dan NGO.



Objektif Program Penanaman Semula Pokok

- Memulihkan ekosistem hutan melalui penanaman spesies pokok asli.
- Menyumbang kepada **Kempen Penanaman 100 Juta Pokok** Malaysia untuk menyokong biodiversiti.
- Menyemai tanggungjawab terhadap **alam sekitar** dalam kalangan komuniti setempat.



Jawatankuasa dan anggota pekerja yang terlibat dalam program Care for Green



Anggota pekerja terlibat sedang menanam anak pokok Merawan dan Meranti



YB Hajah Tengku Zamrah binti Tengku Sulaiman, Pengerusi Jawatankuasa Bertindak Kesihatan, Perpaduan, Penerangan, Integrasi Nasional dan NGO merasmikan program penanaman pokok



Pengarah Perubatan Hospital Pakar KPJ Seremban, Prof Dr Primuharsa menyiram pokok sebagai gimik perasmian



Pencapaian Program

Sebanyak **300 anak pokok Merawan** telah ditanam di Hutan Simpan Serting.



Sebanyak **302 anak pokok Meranti** telah ditanam di Hutan Simpan Serting.



Disertai seramai **120 peserta** termasuk anggota pekerja hospital dan wakil daripada Jabatan Perhutanan Negeri Sembilan.



Menguatkan komitmen Hospital Pakar KPJ Seremban terhadap **usaha kelestarian dan pemuliharaan**.



Kalendar Aktiviti

JULAI 2024



International Conference on Future and Sustainable Education (ICFSE 2024)

Yayasan JCorp menyumbang sebanyak RM10,000 pada program ICFSE 2024 anjuran Pusat Asasi Universiti Islam Antarabangsa Malaysia (UIAM) dengan kerjasama Universitas Lambung Mangkurat, Indonesia, dan Universiti Islam Selangor, Malaysia. Persidangan yang diadakan di Kampus Gambang UIAM ini memberi tumpuan kepada amalan pendidikan inovatif dan mempromosikan kerangka pendidikan lestari. Ia menjadi platform untuk pendidik, pembuat dasar, dan penyelidik untuk berkongsi idea serta meneroka perkembangan pendidikan masa hadapan.



Sustainable STEM Education Workshop

Seramai 40 orang guru telah menyertai bengkel pendidikan STEM di National Institute of Education (NIE), Singapura dari 15 hingga 18 Julai 2024. Bengkel ini merupakan anjuran bersama Yayasan Sultan Ibrahim Johor, Yayasan Raja Zarith Sofiah Johor, Temasek Foundation, NIE, Jabatan Pendidikan Negeri Johor, dan JETCO. Program ini memperkenalkan kaedah pengajaran inovatif serta teknik pertanian bandar. Lima sekolah di bawah Program *Sustainable School* - STEM di Johor telah dipilih untuk fasa pertama ini, iaitu SMK Bandar Baru Uda, SMK Telok Kerang, SMK Bandar Penawar, SMK Buluh Kasap, dan SMK Seri Medan. Majlis penutup telah dirasmikan oleh YB Tuan Aznan bin Tamin menjadi penanda aras betapa pentingnya pendidikan yang mampan.



Pelancaran Inisiatif Galeri Seni Yayasan JCorp

Yayasan JCorp dengan kerjasama Hospital Pakar KPJ Bandar Dato' Onn dan Persatuan Seni Visual dan Kreatif Johor (SERUPA 2) telah melancarkan Inisiatif Galeri Seni Yayasan JCorp pada 21 Julai 2024. Perasmian galeri seni disempurnakan oleh Encik Shahril Nizam Abdul Rahim, Pengarah Tourism Johor dengan lebih 80 karya seni oleh 20 artis tempatan bertemakan "Bridging Art and Care" dipamerkan di galeri ini. Pameran yang bermula pada Ogos 2024 menampilkan karya seni yang bertemakan penyembuhan dan harapan dipamerkan secara bergilir-gilir, mewujudkan suasana positif di hospital. Hasil jualan karya seni berharga dari RM500 hingga RM5,000 memberi peluang kepada artis tempatan menjana pendapatan. Majlis ini turut dihadiri oleh wakil daripada Yayasan JCorp, KPJ Healthcare Berhad, Yayasan Warisan Johor, dan SERUPA 2.



Karnival Bahasa Inggeris Peringkat Negeri Johor 2024

Yayasan JCorp telah menganjurkan Karnival Bahasa Inggeris Peringkat Negeri Johor untuk meningkatkan penguasaan bahasa Inggeris dan memupuk kemahiran pengucapan awam dalam kalangan pelajar. Anjuran bersama dengan Jabatan Pendidikan Negeri Johor, acara ini diadakan di KOMTAR JBCC, Johor Bahru. Acara yang berlangsung selama dua hari menampilkan 242 juara daerah yang dipilih daripada 6,495 peserta dari 1,335 sekolah di seluruh Johor. Peserta bertanding dalam enam acara iaitu *Scrabble*, *Dare to Spell*, Deklamasi Sajak, Pengucapan Awam, Penceritaan dan Dokumentari Pendek dengan setiap pemenang mara ke pertandingan peringkat kebangsaan pada bulan Ogos. Majlis perasmian penutup telah disempurnakan oleh Puan Zaidatul Zurita Abdul Rahman, Ketua Pegawai Eksekutif Yayasan JCorp dan turut dihadiri oleh wakil daripada Jabatan Pendidikan Negeri Johor dan KOMTAR JBCC.

Kalendar Aktiviti



Pelancaran *Smart Greenhouse* di SMK Taman Universiti 2, Johor Bahru

Pelancaran program *Smart Greenhouse* di SMK Taman Universiti 2, Johor Bahru menandakan permulaan inisiatif pertanian moden yang menggabungkan teknologi dengan pendidikan. Program anjuran Yayasan JCorp dengan kerjasama SEFAR Fabrication (M) Sdn Bhd ini membuka peluang kepada pelajar untuk menimba pengalaman secara langsung dalam amalan pertanian lestari. Dengan keluasan 600 kaki persegi, rumah hijau ini dilengkapi teknologi IoT yang mampu menanam dan memantau sebanyak 2,000 sayuran berdaun hijau. Tuan Haji Yahya Mohamed, Timbalan Pengarah Sektor Pembelajaran Jabatan Pendidikan Negeri Johor (JPNJ) telah merasmikan majlis pelancaran program ini.



Pertandingan *Choral Speaking* Peringkat Negeri Johor 2024

Yayasan JCorp dengan kerjasama Jabatan Pendidikan Negeri Johor menganjurkan Pertandingan *Choral Speaking* Peringkat Negeri Johor di KOMTAR JBCC, Johor Bahru. Program yang bertemakan “Youth Empowerment for Sustainable Development” disertai oleh 4,780 pelajar dari 239 sekolah di seluruh 11 daerah di Johor. Pertandingan ini bertujuan untuk meningkatkan penguasaan bahasa Inggeris, kreativiti, dan kemahiran pengucapan awam di khalayak ramai serta menggalakkan penglibatan belia dalam menangani cabaran alam sekitar, sosial, dan ekonomi. Majlis Perasmian penutup telah disempurnakan oleh Puan Zaidatul Zurita Abdul Rahman, Ketua Pegawai Eksekutif Yayasan JCorp bersama Tuan Haji Mohd Hanafi Samad, Pengarah Jabatan Pendidikan Negeri Johor dan Encik Musa Bin Atan, Ketua Penolong Pengarah Sektor Pembangunan Pelajar.



Penanaman Pokok Bakau di Pulau Tanjung Surat

Seramai 55 sukarelawan dari JCorp dan Syarikat dalam Kumpulan telah menyertai program penanaman pokok bakau di Pulau Tanjung Surat, Kota Tinggi. Sebanyak 1,000 pokok bakau berjaya ditanam hasil daripada program yang dilaksanakan oleh Johor Plantations Group Berhad (JPG) bersama dengan Yayasan JCorp dan Pertubuhan Sahabat Hutan Bakau Pulau Tanjung Surat (PSHBTS). Inisiatif JPG ini merupakan sebahagian daripada kempen *One Million Roots for the Future* yang menekankan komitmen terhadap biodiversiti dan pemulihan ekosistem pantai. Di samping itu, Yayasan JCorp telah menyumbang sebanyak RM3,000 kepada Persatuan Ibu Bapa dan Guru (PIBG) SK Tanjung Surat bagi membantu pelajar-pelajar kurang berkemampuan. Turut hadir ialah Puan Zaidatul Zurita Abdul Rahman, Ketua Pegawai Eksekutif Yayasan JCorp dan Tuan Haji Rashid Basiran, Ketua Bahagian Kelestarian JPG.

Kalendar Aktiviti



Laksamana Run 2024

Yayasan JCorp menerusi Johor Corporation dan Syarikat Kumpulan telah mengukuhkan komitmennya dalam menyokong Yayasan Kanser Tunku Laksamana Johor (TLJCF) dengan menaja RM70,000 bagi Laksamana Run 2024. Acara yang diadakan di Gateway Garden, Iskandar Puteri ini bertujuan untuk meningkatkan kesedaran tentang rawatan kanser dan sokongan kepada pejuang kanser. Bersempena dengan acara tersebut, rangkaian hospital KPJ Wilayah Selatan telah menyediakan pemeriksaan kesihatan percuma untuk menggalakkan kepentingan pemeriksaan berkala serta akses kepada perkhidmatan penjagaan kesihatan yang berkualiti.



Program Kesedaran Perubahan Iklim di SMK Dato' Penggawa Barat, Pontian

Yayasan JCorp telah bekerjasama dengan IPASA, UTM Johor bagi penganjuran Program Kesedaran Perubahan Iklim di SMK Dato' Penggawa Barat, Pontian. Seramai 100 pelajar menghadiri program ini yang memfokus kepada mendidik belia mengenai punca dan kesan perubahan iklim. Semasa sesi interaktif, setiap peserta dapat belajar dengan lebih mendalam tentang kepentingan menjaga alam sekitar dan bagaimana mereka dapat memainkan peranan untuk mewujudkan masa hadapan yang lebih lestari. Inisiatif ini menekankan tentang betapa pentingnya pendidikan alam sekitar di sekolah bagi membekalkan generasi akan datang dengan ilmu pengetahuan yang diperlukan untuk menghadapi cabaran global.



Pelancaran Smart Greenhouse di SMK Sri Rahmat, Skudai

Yayasan JCorp meneruskan komitmennya dalam pendidikan pertanian moden dengan melancarkan program *Smart Greenhouse* di SMK Sri Rahmat, Skudai, Johor Bahru. Ditaja oleh SEFAR Fabrication (M) Sdn Bhd dan dilaksanakan melalui Program *Sustainable School* - STEM, rumah hijau ini berkeluasan 600 kaki persegi dan menggunakan sistem IoT, membolehkan pelajar menanam serta memantau pertumbuhan sayur-sayuran berdaun. Projek ini bertujuan memberikan pelajar pengetahuan praktikal dalam pertanian lestari sambil menyumbang kepada rantai bekalan makanan tempatan.



Pelancaran Smart Greenhouse di SMK Tun Syed Nasir Ismail, Johor Bahru

Pelancaran *Smart Greenhouse* ketiga bagi Program *Sustainable School* - STEM telah dilancarkan di SMK Tun Syed Nasir Ismail, Johor Bahru pada 26 Ogos 2024. Inisiatif ini disokong oleh Yayasan JCorp, JPNJ dan Urban Farm Tech Sdn Bhd serta ditaja oleh SEFAR Fabrication (M) Sdn Bhd yang memberikan pengalaman pembelajaran secara praktikal kepada pelajar. Pelajar dapat mengamalkan teknik pertanian bandar menggunakan teknologi IoT moden. Projek ini menggalakkan pelajar untuk belajar tentang subjek STEM, terutamanya dalam pertanian lestari dan membantu mereka menggunakan pengetahuan yang diperoleh untuk menghadapi cabaran alam sekitar sebenar.

Kalendar Aktiviti

SEPTEMBER 2024



Sumbangan Bantuan Banjir di Hospital Pakar KPJ Sabah

Yayasan JCorp telah memberi sumbangan kewangan kepada anggota pekerja Hospital Pakar KPJ Sabah yang terjejas akibat banjir. Majlis penyerahan sumbangan berlangsung sempena Townhall KPJ Sabah yang dihadiri oleh Tuan Haji Asmadi Bin Mohd Bakri, Ketua Pegawai Eksekutif KPJ Kawasan Malaysia Timur, serta beberapa pegawai hospital yang lain. Sumbangan ini mencerminkan komitmen berterusan Yayasan JCorp dalam menyokong komuniti yang memerlukan, terutamanya semasa dilanda krisis, dan memastikan kesejahteraan anggota pekerjaannya.



Program Pemantauan Kualiti Air di SMK Sultanah Engku Tun Aminah, Johor Bahru

Sebagai sebahagian daripada sambutan Hari Sungai Sedunia 2024, Yayasan JCorp dengan kerjasama Pusat Pelestarian Kampus (UTMCS), telah melancarkan Program Pemantauan Kualiti Air di SMK Sultanah Engku Tun Aminah, Johor Bahru. Seramai 30 pelajar dan 20 ahli komuniti tempatan menyertai aktiviti praktikal untuk mempelajari cara menilai kebersihan sungai melalui ujian fizikal dan kimia. Program ini bertujuan untuk memberi pemahaman tentang pentingnya kualiti air dan membantu peserta memantau serta menjaga sungai dan saluran air tempatan.



Kutip Sampah Sambil Riadah (KUDAH) di Sungai Tebrau

Yayasan JCorp menyertai program Kutip Sampah Sambil Riadah (KUDAH) di Sungai Tebrau sempena sambutan Hari Sungai Sedunia 2024. Program pembersihan ini melibatkan 300 sukarelawan dari agensi kerajaan, syarikat swasta, dan sekolah dan berjaya mengutip 857.1 kg sampah di sepanjang tebing sungai. Acara ini menekankan pentingnya penglibatan komuniti dalam pemeliharaan alam sekitar dan merupakan sebahagian daripada usaha Yayasan JCorp untuk mempromosikan amalan lestari serta satu daripada aktiviti pemulihan sungai di Johor.



Train of Trainers (TOT) Sempena Sambutan Hari Sungai Sedunia di Tunku Mahkota Ismail Youth Centre (TMIYC)

Yayasan JCorp dan UTMCS menganjurkan Program TOT untuk Hari Sungai Sedunia 2024 di TMIYC, Johor Bahru. Program ini melibatkan 120 pelajar dari enam sekolah dan memberikan latihan praktikal mengenai pemeliharaan sungai, termasuk cara menilai kualiti air, menanam pokok secara lestari, serta menggunakan alat digital seperti aplikasi iNaturalist bagi memantau kepelbagaian hidupan. Inisiatif ini bertujuan untuk memberikan pengetahuan dan kemahiran kepada generasi muda supaya mereka dapat memimpin usaha menjaga alam sekitar dalam komuniti mereka pada masa hadapan.



YAYASAN JOHOR CORPORATION

Level 18, Menara KOMTAR JBCC, 80888 Johor Bahru
Johor Darul Ta'zim, Malaysia.

Tel: 607-219 2692

Email: yayasanjcorp@jcorp.com.my

yayasanjcorp.com.my

 @yayasanjohorcorporation

 @yayasanjcorp

 @yayasanjohorcorporation

 @yayasanjcorp